



REPUBLICA E KOSOVËS/REPUBLIKA KOSOVA
REPUBLIC OF KOSOVA
KOMUNA JUNIK/OPŠTINA JUNIK/MUNICIPALITY OF JUNIK

02/Nr. Prot. 03-180-5403
Nr. i faq. 28
Data 20/06/2023



REPUBLICA E KOSOVËS – REPUBLIKA KOSOVA – REPUBLIC OF KOSOVA

KOMUNA JUNIK – OPŠTINA JUNIK- MUNICIPALITY JUNIK

DREJTORIA PËR ADMINISTRATË TË PËRGJITHSHME

RAPORT:

Organizimi i Zgjedhjeve të Këshillave Lokale 2023 - Komuna e Junikut

Hartuar nga:

Leonora Shehu - Drejtoreshë e Drejtorisë për Administratë
Kryesuese e Komisionit për Zgjedhjet e Këshillave Lokale

Junik, Qershor 2023

Përmbledhje Ekzekutive

Në mënyrë që komunat t'i realizojnë funksionet dhe përgjegjësitë e tyre të rregulluara sipas legjislacionit në fuqi (Ligjit për Vetëqeverisje Lokale) duhet të mbështesin themelimin dhe konsolidimin e Këshillave Lokale, të cilat përfaqësojnë fshatrat, vendbanimet dhe lagjet urbane.

Pra, Këshillat Lokal janë trupa të zgjedhura që përfaqësojnë në mënyrë të organizuar komunitetin e një apo më shumë fshatrave, vendbanimeve apo lagjeve urbane.

Rregullorja (Shih shtojcën 1) për organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës së Junikut, ka për qëllim të rregulloj organizimin dhe bashkëpunimin e Komunës me fshatra, vendbanime dhe lagjet urbane në territorin e komunës, në ushtrimin e aktiviteteve që janë ekskluzivisht në kompetencë vetanake të komunave, të parashikuara në Ligjin për vetëqeverisje lokale.

Kjo rregullore rregullon mënyrën e organizimit dhe bashkëpunimit midis Komunës, fshatrave, vendbanimeve dhe lagjeve urbane, duke formuar këshilla lokale, si trupa mbështetës të Komunës dhe që të ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetareve në procesin vendimmarrjes.

Për të reflektuar në këtë drejtim, Kuvendi i Komunës ka emëruar komisionin për të udhëhequr dhe koordinuar punën në terren në zgjidhjen e këshillave lokalë, dhe mbarëvajtjen e procesit zgjedhor.

Bazuar në Vendimin Nr. 02/04//2023 (Shih shtojca 2) për formimin e Komisionit për Zgjidhjen e Këshillave Lokale në Komunës e Junikut, është emëruar Komisioni me këtë përbërje:

Përbërja e komisionit:

1. Leonora Shehu – Drejtoreshë e Drejtorisë për Administratë
2. Shpejtim Gacaferi LDK- Kryesues i Kuvendit Komunal
3. Sadri Krasniqi LDK – anëtarë i Kuvendit
4. Zenel Maloku AAK – anëtarë i Kuvendit
5. Xhemë Tofaj LVV – anëtarë i Kuvendit
6. Safete Shehu – OJQ “Qershiza”
7. Anëtar i shtatë – zgjidhet një përfaqësues nga lokaliteti ku realizohen zgjedhjet sipas Rregullores.

Tabela e përmbajtjes:

1.0 - Procesi Parazgjedhor	1
1.1 Komunikimi dhe Informimi.....	2
2.0 – Zgjedhjet dhe mbarëvajtja e procesit zgjedhor.....	2
3.0 - Këshillat Lokal	3
4.0 - Këshilli Lokal Gjocaj dhe Jasiq.....	4
4.1 -Të dhëna për pjesëmarrësit:.....	4
4.2 -Përshkrimi i procesit zgjedhor:.....	4
4.3 -Kryesia e Këshillit Lokal:	5
5.0 – Këshilli Lokal Krasniq, Miroc-Malok, Gaxherr dhe Shala:	6
5.1 -Të dhëna për pjesëmarrësit:.....	6
5.2 – Përshkrimi i procesit zgjedhor:	6
5.3 – Kryesia e Këshillit Lokal:	7
6.0 – Këshilli Lokal Berishë, Goqaj dhe Qestaj:.....	8
6.1 – Të dhëna për pjesëmarrësit:.....	8
6.2 – Përshkrimi i procesit zgjedhor:.....	8
6.3 – Kryesia e Këshillit Lokal:.....	9
7.0 – Këshilli Lokal Gacafer, Qendër, Pepsh dhe Bajraktar:.....	10
7.1 – Të dhëna për pjesëmarrësit:.....	10
7.2 – Përshkrimi i procesit zgjedhor:.....	10
7.3 – Kryesia e Këshillit Lokal:.....	11

1.0 - Procesi Parazgjedhor:

Komisioni ka mbajtur takime të rregullta, ku në takimin e parë të mbajtur me datë 03.03.2023 Komisioni ka zgjedhur Kryesuesen e Komisionit, ku sipas procedurës janë propozuar kandidatë për Kryesues, ku me pas me shumicë votash Komisioni ka vendosur që si Kryesuese të zgjidhet Leonora Shehu.

Në këtë takim u pëcaktuan fshatrat dhe lagjet e Komunës së Junikut në Katër Këshilla Lokal.

Pasi me Udhëzim Administrativ është pëcaktuar që Komuna e Junikut të ketë 4 Këshilla lokale, të gjithë anëtarët, u pajtuan që ndarja e fshatrave, vendbanimeve dhe lagjeve urbane në 4 Këshilla lokale të përcaktohet në atë mënyrë që lagjet që janë afër, të caktohen në një Këshill lokal.

Me dakordimin e të gjithë anëtarëve të Komisionit, përcaktimi fshatrave, vendbanimeve dhe lagjeve urbane, u bë në këta Këshilla lokale:

- 1) Këshilli lokal i fshatrave Gjocaj dhe Jasiq;
- 2) Këshilli lokal i lagjeve urbane Gacafer, Qendër, Pepsh dhe Bajraktar;
- 3) Këshilli lokal i lagjeve urbane Krasniq, Miroc, Gaxherr dhe Shala;
- 4) Këshilli lokal i lagjeve urbane Berishë, Goqaj, Qestaj.

Kryesuesja ka filluar menjëherë të punojë për procesin zgjedhor, ka propozuar disa formular të cilët do jenë funksional gjatë zgjedhjeve.

Në takimin pasues, Komisioni është pajtuar që të përdoren formularët të cilët Kryesuesja ju ka prezantuar secilit anëtar të Komisionit.

Poashtu, në këtë takim të Komisionit është hartuar orari i takimeve në fshatra, vendbanime dhe lagje urbane ku do të zhvillohen zgjedhjet.

Si pikë e rendit të ditës në këtë takim ishte edhe caktimi i detyrave të anëtarëve të Komisionit, ku çdo anëtar shprehi gatishmërinë për ndihmë gjatë këtij procesi.

1.1 - Komunikimi dhe Informimi:

Gjatë procesit parazgjedhor, Kryesuesja ka propozuar Komisionit formularët të cilët do përdoren për punë gjatë procesit zgjedhor, të gjithë formularët që janë punuar nga Drejtoria për Administratë, janë shqyrtuar dhe aprovuar nga Komisioni. Këto janë:

1. Formular i lajmërimit/njoftimit të zgjedhjeve për Këshillin lokal (Shih shtojcën 3)
2. Formular i Orarit të mbajtjes së zgjedhjeve të Këshillave Lokale (Shih shtojcën 3)
3. Fleta për votimin e Kandidatit për Kryetar dhe Kryesisë (Shih shtojcën 4)
4. Formular i evidentimit të votuesve - Lista e pjesëmarrësve në Zgjedhjet e Këshillave Lokale 2023 (Shih shtojcën 5)

2.0 - Zgjedhjet dhe mbarëvajtja e procesit zgjedhor:

Procesi zgjedhor për Këshillat Lokale ka filluar sipas Rregullores dhe planifikimit të orarit të hartuar nga Komisioni në takimet paraprake.

Zgjedhjet kanë filluar me datë 22 maj 2023 dhe kanë përfunduar me datë 26 maj 2023. Gjatë kësaj periudhe zgjedhore janë realizuar gjithsej 4 takime zgjedhore në 4 këshilla lokale.

Lidhur me zgjedhjet e Këshillit Lokal Gjocaj dhe Jasiq, Komisioni për ankesa i formuar nga Kuvendi i Komunës, me datë 24.05.2023 ka pranuar ankesë. Dhe pas shqyrtimit ka vendosur që të zëvendësoj një anëtar të zgjedhur pasi i njëjti mban pozitë udhëheqëse të subjektit politik në nëndegën Jasiq. Komisioni ka vendosur që kandidati të zëvendësohet me kandidatin tjetër që është në listë të pritjes në bazë të numrit të votave. Kurse, sa i përket Këshillave të tjerë nuk ka pasur ndonjë ankesë.

Në zgjedhjet për Këshilla Lokale të mbajtura me 22 Maj 2023, prezent ishin edhe vëzhguesit e organizatës ndërkombëtare OSCE.

Në proces të votimit kanë marrë pjesë **479** votues.

- Nga gjithsej 479 pjesëmarrës të nënshkruar në lista të votimit, nga ta **meshkuj 445** dhe **femra 34**.
- Janë zgjedhur 4 Kryetar të Këshillave Lokale, dhe 18 anëtar të kryesive të këshillave për çdo këshill, nga ta **meshkuj 14 ndërsa femra 4**, ku zgjedhja është bërë sipas përcaktimit të secilit Këshill për numrin nga (5-7-9), dhe sipas kandidimit vërtetohet se çdo kandidat ka pas kundër kandidat për një vend në këshill.

Me tutje, do paraqesim një raport të hollësishëm me të dhënat sipas secilit Këshill Zgjedhor:

3.0 - Këshillat Lokal :

1. Këshilli Lokal “Gjocaj dhe Jasiq”
2. Këshilli Lokal “Krasniq, Miroc-Malok, Gaxherr dhe Shala”
3. Këshilli Lokal “Berishë, Goqaj dhe Qestaj”
4. Këshilli Lokal “Gacafer, Qendër, Pepsh dhe Bajraktar.

4.0 - Këshilli Lokal Gjocaj dhe Jasiq:

Data e mbajtjes se zgjedhjeve: 22.05.2023

4.1 - Të dhëna për pjesëmarrësit:

Te dhënat për pjesëmarrësit, gjinia, kryetari dhe anëtarët e kryesisë

Numri total i pjesëmarrësve:	41
Pjesëmarrës meshkuj:	40
Pjesëmarrëse femra:	1
Kandidat të propozuar:	7
Kryesia e përbërë nga anëtar:	5
Anëtarë meshkuj në Kryesi:	4
Anëtare femra në Kryesi:	1

4.2 - Përshkrimi i procesit Zgjedhor

Në fillim të procesit është bërë hapja e takimit zgjedhor nga kryesuesja e komisionit Leonora Shehu, më pas është bërë prezantimi i komisionit dhe rregullave të procesit zgjedhor për pjesëmarrësit, proces i cili bazohet në Rregulloren Komunale për organizimin, funksionimin dhe bashkëpunimin e Komunës me fshatrat, vendbanimet dhe lagjet urbane në territorin e Komunës së Junikut. Pjesëmarrës në këtë takim ishin edhe anëtarët e organizatës OSCE. Është zgjedhur anëtari i shtatë nga banorët e këshillit, u zgjodh me votën e shumicës së pjesëmarrësve prezent. Pjesëmarrësit pas propozimit për 5-7-9 anëtarë në kryesi të këshillit, kanë vendosur që kryesia e këshillit të përbëhet nga 5 anëtarë, më pas është bërë thirrja për propozimet e kandidaturës. Pasi janë propozuar kandidatët, është zhvilluar procesi i votimit. Pasi ka përfunduar procesi i votimit,

nga komisioni është bërë numërimi i votave nga kutitë e votimit. Është zgjedhur kryesia ne përbërje prej 5 anëtarëve, 4 meshkuj dhe 1 femër.

4.3 - Kryesia e Këshillit lokal:

Te dhënat ne formë tabelore për kryetarin dhe kryesinë e këshillit lokal – Gjocaj dhe Jasiq.

Nr.	Emri	Mbiemri	Pozita	Lokacioni
1	Arif	Maloku	Kryetar	Gjocaj dhe Jasiq
2	Qamil	Jasiqi	Anëtar	Gjocaj dhe Jasiq
3	Zize	Gjocaj	Anëtar	Gjocaj dhe Jasiq
4	Xhemë	Ganijaj	Anëtare	Gjocaj dhe Jasiq
5	Demë	Gjocaj	Anëtar	Gjocaj dhe Jasiq

Në Këshillin lokal Gjocaj dhe Jasiq, votimi përfundoi pa asnjë problem të evidentuar.

5.0 - Këshilli Lokal Krasniq, Miroc-Malok, Gaxherr dhe Shala:

Data e mbajtjes se zgjedhjeve: 24.05.2023

5.1 - Të dhëna për pjesëmarrësit:

Te dhënat për pjesëmarrësit, gjinia, kryetari dhe anëtarët e kryesisë

Numri total i pjesëmarrësve:	145
Pjesëmarrës meshkuj:	138
Pjesëmarrëse femra:	7
Kandidat të propozuar:	10
Kryesia e përbërë nga anëtar:	5
Anëtarë meshkuj në Kryesi:	4
Anëtare femra në Kryesi:	1

5.2 - Përshkrimi i procesit Zgjedhor

Në fillim të procesit është bërë hapja e takimit zgjedhor nga kryesuesja e komisionit Leonora Shehu, më pas është bërë prezantimi i komisionit dhe rregullave të procesit zgjedhor për pjesëmarrësit, proces i cili bazohet në Rregulloren Komunale për organizimin, funksionimin dhe bashkëpunimin e Komunës me fshatrat, vendbanimet dhe lagjet urbane në territorin e Komunës së Junikut. Është zgjedhur anëtari i shtatë nga banorët e këshillit, u zgjodh me votën e shumicës së pjesëmarrësve prezent. Pjesëmarrësit pas propozimit për 5-7-9 anëtarë në kryesi të këshillit, kanë vendosur që kryesia e këshillit të përbëhet nga 5 anëtarë, më pas është bërë thirrja për propozimet e kandidatës. Pasi janë propozuar kandidatët, është zhvilluar procesi i votimit. Pasi ka përfunduar procesi i votimit, nga komisioni është bërë numërimi i votave nga kutitë e votimit. Është zgjedhur kryesia ne përbërje prej 5 anëtarëve, 4 meshkuj dhe 1 femër.

5.3 - Kryesia e Këshillit lokal:

Te dhënat ne formë tabelore për kryetarin dhe kryesinë e Këshillit lokal Krasniq, Miroc-Malok, Gaxherr dhe Shala.

Nr.	Emri	Mbiemri	Pozita	Lokacioni
1	Myrtë	Shala	Kryetar	Krasniq, Miroc-Malok, Gaxherr dhe Shala
2	Asllan	Krasniqi	Anëtar	Krasniq, Miroc-Malok, Gaxherr dhe Shala.
3	Bujar	Maloku	Anëtar	Krasniq, Miroc-Malok, Gaxherr dhe Shala
4	Ahmet	Krasniqi	Anëtare	Krasniq, Miroc-Malok, Gaxherr dhe Shala
5	Ariola	Krasniqi	Anëtar	Krasniq, Miroc-Malok, Gaxherr dhe Shala

Në Këshillin lokal Krasniq, Miroc-Malok, Gaxherr dhe Shala, votimi përfundoi pa asnjë problem të evidentuar.

6.0 - Këshilli Lokal Berishë, Goqaj dhe Qestaj:

Data e mbajtjes se zgjedhjeve: 25.05.2023

6.1 - Të dhëna për pjesëmarrësit:

Te dhënat për pjesëmarrësit, gjinia, kryetari dhe anëtarët e kryesisë

Numri total i pjesëmarrësve:	105
Pjesëmarrës meshkuj:	100
Pjesëmarrëse femra:	5
Kandidat të propozuar:	9
Kryesia e përbërë nga anëtar:	5
Anëtarë meshkuj në Kryesi:	4
Anëtare femra në Kryesi:	0

6.2 - Përshkrimi i procesit Zgjedhor

Në fillim të procesit është bërë hapja e takimit zgjedhor nga kryesuesja e komisionit Leonora Shehu, më pas është bërë prezantimi i komisionit dhe rregullave të procesit zgjedhor për pjesëmarrësit, proces i cili bazohet në Rregulloren Komunale për organizimin, funksionimin dhe bashkëpunimin e Komunës me fshatrat, vendbanimet dhe lagjet urbane në territorin e Komunës së Junikut. Është zgjedhur anëtari i shtatë nga banorët e këshillit, u zgjodh me votën e shumicës së pjesëmarrësve prezent. Pjesëmarrësit pas propozimit për 5-7-9 anëtarë në kryesi të këshillit, kanë vendosur që kryesia e këshillit të përbëhet nga 5 anëtarë, më pas është bërë thirrja për propozimet e kandidaturës. Pasi janë propozuar kandidatët, është zhvilluar procesi i votimit. Pasi ka përfunduar procesi i votimit, nga komisioni është bërë numërimi i votave nga kutitë e votimit. Është zgjedhur kryesia ne përbërje prej 5 anëtarëve.

6.3 - Kryesia e Këshillit lokal:

Te dhënat ne formë tabelore për kryetarin dhe kryesinë e Këshillit lokal Berishë, Goqaj dhe Qestaj.

Nr.	Emri	Mbiemri	Pozita	Lokacioni
1	Burim	Kuqi	Kryetar	Berishë,Goqaj dhe Qestaj
2	Zenel	Salihaj	Anëtar	Berishë,Goqaj dhe Qestaj
3	Neki	Goqi	Anëtar	Berishë,Goqaj dhe Qestaj
4	Haxhë	Qestaj	Anëtar	Berishë,Goqaj dhe Qestaj
5	Armend	Metaj	Anëtar	Berishë,Goqaj dhe Qestaj

Në Këshillin lokal Berishë, Goqaj dhe Qestaj, votimi përfundoi pa asnjë problem të evidentuar

7.0 - Këshilli Lokal Gacafer, Qendër, Pepsh dhe Bajraktar:

Data e mbajtjes së zgjedhjeve: 26.05.2023

7.1 - Të dhëna për pjesëmarrësit:

7.2

Te dhënat për pjesëmarrësit, gjinia, kryetari dhe anëtarët e kryesisë

Numri total i pjesëmarrësve:	188
Pjesëmarrës meshkuj:	167
Pjesëmarrëse femra:	21
Kandidat të propozuar:	12
Kryesia e përbërë nga anëtar:	7
Anëtarë meshkuj në Kryesi:	5
Anëtare femra në Kryesi:	2

7.2 - Përshkrimi i procesit Zgjedhor

Në fillim të procesit është bërë hapja e takimit zgjedhor nga kryesuesja e komisionit Leonora Shehu, më pas është bërë prezantimi i komisionit dhe rregullave të procesit zgjedhor për pjesëmarrësit, proces i cili bazohet në Rregulloren Komunale për organizimin, funksionimin dhe bashkëpunimin e Komunës me fshatrat, vendbanimet dhe lagjet urbane në territorin e Komunës së Junikut. Është zgjedhur anëtar i shtatë nga banorët e këshillit, u zgjodh me votën e shumicës së pjesëmarrësve prezent. Pjesëmarrësit pas propozimit për 5-7-9 anëtarë në kryesi të këshillit, kanë vendosur që kryesia e këshillit të përbëhet nga 7 anëtarë, më pas është bërë thirrja për propozimet e kandidaturës. Pasi janë propozuar kandidatët, është zhvilluar procesi i votimit. Pasi ka përfunduar procesi i votimit, nga komisioni është bërë numërimi i votave nga kutitë e votimit. Është zgjedhur kryesia në përbërje prej 7 anëtarëve, 5 meshkuj dhe 2 femra.

7.3 - Kryesia e Këshillit lokal:

Te dhënat ne formë tabelore për kryetarin dhe kryesinë e Këshillit lokal Gacafer, Qendër, Pepsh dhe Bajraktar.

Nr.	Emri	Mbiemri	Pozita	Lokacioni
1	Mirlind	Gacaferi	Kryetar	Gacafer, Qendër, Pepsh dhe Bajraktar.
2	Muharrem	Shehu	Anëtar	Gacafer, Qendër, Pepsh dhe Bajraktar.
3	Petrit	Gacaferi	Anëtar	Gacafer, Qendër, Pepsh dhe Bajraktar.
4	Miftar	Gjota	Anëtar	Gacafer, Qendër, Pepsh dhe Bajraktar.
5	Dukagjin	Llolluni	Anëtar	Gacafer, Qendër, Pepsh dhe Bajraktar.
6	Shqipdona	Shehu	Anëtare	Gacafer, Qendër, Pepsh dhe Bajraktar.
7	Riola	Gacaferi	Anëtare	Gacafer, Qendër, Pepsh dhe Bajraktar.

Në Këshillin lokal Gacafer, Qendër, Pepsh dhe Bajraktar, votimi përfundoi pa asnjë problem të evidentuar.

Rekomandimet nga komisioni:

- Hartimi i planit të punës së këshillave të lagjeve dhe fshatrave ;
- Pjesëmarrja aktive në aktivitetet e këshillit të gjithë anëtarët e këshillit;
- Këshillat lokal të rrisin bashkëpunimin me organizatat lokale dhe ndërkombëtare të cilat kanë për qëllim fuqizimin e tyre dhe ngritjen e kapaciteteve të këshillave;
- Të rritet komunikimi dhe bashkëpunimi në mes të këshillave;
- Të përgatiten të gjitha dokumentacionet e kërkuara me Rregullore gjatë takimeve të këshillave, duke përfshi agjendat dhe procesverbalet.
- Të rritet variabiliteti i këshillave dhe promovimi i aktiviteteve të tyre;
- Të rritet pjesëmarrja e gjinisë femërore në zgjedhjen e Këshillave.


Faleminderit:


Një falënderim të veçantë për komisionit e përzgjedhur nga kuvendi i komunës së Junikut, i cili i përbërë nga ekzekutivi, partitë politike dhe shoqëria civile, komision ky që kishte rol kyç në organizimin, mbarëvajtjen dhe në ruajtjen e secilës votë të secilit qytetarë të Komunës së Junikut, duke siguruar zgjedhje të lira, vota të lira dhe demokratike në secilën këshill lokal të komunës së Junikut.


Shënim


Të gjitha të dhënat e prezantuar në raport janë të vërtetuara dhe të dokumentuara, dhe me përgjegjësi të plotë nga komisioni i cili kishte për mandat organizimin dhe mbarëvajtjen e zgjedhjeve, andaj si i tillë është i aprovuar nga secili anëtarë i komisionit:


1. Leonora Shehu- Drejtoreshë e Administratës
2. Shpejtim Gacaferi – Kryesues i Kuvendit
3. Sadri Krasniqi - LDK
4. Zenel Maloku - AAK
5. Safete Shehu - OJQ “Qershiza”












Shtojcë 1 : Rregullore për Këshillat Lokale



REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK- MUNICIPALITY JUNIK



RR E G U L L O R E
PËR ORGANIZIMIN, FUNKSIONIMIN DHE BASHKËPUNIMIN
E KOMUNËS ME FSHATRAT, VENDBANIMET DHE LAGJET
URBANE NË TERRITORIN E KOMUNËS SË JUNIKUT

Junik, Janar 2023

<https://kk.rks-gov.net/junik/>

1

Në mbështetje të nenit 11, nenit 12, paragrafi 12.2, pika c) dhe nenit 34, paragrafi 34.4 të Ligjit Nr. 03/L-040 për Vetëqeverisje Lokale , Udhëzimit Administrativ (MAPL) Nr. 02/2019, për Organizimin, Funkcionimin dhe Bashkëpunimin e Komunave më Fshatrat, Vendbanimet dhe Lagjet Urbane, Nenit 13-15 të Statutit të Komunës së Junikut, 001//3127, të dt.30.09.2010, Kuvendi i Komunës së Junikut, në mbledhjen e mbajtur më datë 27.01.2023, miratoi këtë:

RR E G U L L O R E
PËR ORGANIZIMIN, FUNKSIONIMIN DHE BASHKËPUNIMIN E
KOMUNËS ME FSHATRAT, VENDBANIMET DHE LAGJET URBANE NË
TERRITORIN E KOMUNËS SË JUNIKUT

Neni 1
Qëllimi

Kjo rregullore ka për qëllim të rregullojë organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës, në ushtrimin e aktiviteteve që janë ekskluzivisht në kompetencë vetanake të komunave, të përcaktuara në bazë të ligjit për vetëqeverisjen lokale.

Neni 2
Fushëveprimi

Kjo rregullore rregullon mënyrën e organizimit dhe bashkëpunimit midis komunës, fshatrave, vendbanimeve dhe lagjeve urbane duke formuar këshillat lokale si trupa mbështetës të organeve të komunës, dhe që ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimarrjes.

Neni 3
Formimi i komisionit nga Kuvendi i Komunës për zgjedhjen e
këshillave lokale

1. Kuvendi i Komunës emëron një komision për të udhëhequr dhe koordinuar punën në teren në zgjedhjen e këshillave lokale. Komisioni duhet të ketë shtatë (7) anëtar, katër (4) nga Kuvendi i Komunës, një (1) nga ekzekutivi, një (1) nga shoqëria civile dhe një (1) nga përfaqësuesit e fshatit, vendbanimit apo lagjes urbane. Ndërsa përfaqësuesi (1) nga fshati, vendbanimi apo lagja urbane nga lokaliteti ku bëhet zgjedhja e këshillit lokal, zgjedhet në mënyrë ad-hoc nga Komisioni.

2. Komisioni duhet të reflektoj përfaqësimin gjinor dhe etnik. Nga shtatë (7) anëtarët e komisionit tre (3) duhet të jenë femra.

<https://kk.rks-gov.net/junik/>

3. Kryesuesi i komisionit zgjedhet nga anëtarët e komisionit. Mandati i komisionit është i lidhur me mandatin e Kuvendit të Komunës.
4. Komisioni i emëruar nga Kuvendi i Komunës, duhet të jetë përgjegjës për caktimin e periudhës kohore të mbajtjes së tubimeve të qytetarëve, për zgjedhjen e anëtarëve të këshillave lokale dhe kryetarëve të këshillave lokale të fshatrave, vendbanimeve dhe lagjeve urbane.
5. Së paku katër (4) anëtar të Komisionit, duhet të jenë të pranishëm në të gjitha takimet zgjedhore që organizohen për zgjedhjen e këshillave lokale.
6. Komisioni i emëruar nga Kuvendi i Komunës dhe përfaqësuesit e fshatrave, vendbanimeve dhe lagjeve urbane, bashkëpunojnë në mënyrë që të organizojnë zgjedhjen e anëtarëve të këshillave lokale dhe kryetarëve të këshillave lokale.
7. Komisioni i raporton Kuvendit të Komunës për procesin e përzgjedhjes së këshillave lokale.
8. Komisioni i emëruar nga Kuvendi i Komunës, nëpërmjet zyrës për informim, informon qytetarët 15 ditë para datës së mbajtjes së tubimit të qytetarëve për zgjedhjen e këshillave lokale, përmes:
 - 8.1. shpalljeve publike të vendosura në objektet publike dhe vendet më të frekuentuara brenda territorit ku mbahen tubimet ku do të zgjedhen këshillat lokale;
 - 8.2. mediave lokale;
 - 8.3. web – faqes zyrtare të komunës.
9. Njoftimi i publikut domosdo duhet të përmbajë: rendin e ditës, datën, kohën dhe vendin e mbajtjes së tubimit.

Neni 4 Komisioni i ankesave

1. Kuvendi i Komunës themelon Komisionin e ankesave, i cili i shqyrtojn ankesat lidhur me procesin e zgjedhjeve të këshillave lokale.
2. Komisioni i ankesave do të përbëhet prej tre anëtarëve që zgjedhen nga radhët e anëtarëve të Kuvendit të Komunës. Përbërja e komisionit duhet të përfaqësoj përbërjen e subjekteve politike me numër më të madh të anëtarëve të përfaqësuar në Kuvendin e Komunës.
3. Të gjithë pjesëmarrësit në takimin zgjedhor mund të paraqesin ankesat e tyre, nëse konstatojnë ndonjë shkelje apo parregullsi gjatë procesit zgjedhor.
4. Ankesat për shkelje apo parregullsi në procesin zgjedhor duhet të paraqiten pranë Komisionit për ankesa, brenda 3 (tri) ditëve të punës.

<https://kk.rks-gov.net/junik/>

5. Komisioni i ankesave është i obliguar që ti shqyrtoj të gjitha ankesat dhe brenda afatit prej 15 (pesëmbëdhjetë) ditëve nga data e pranimit të kërkesës, t'u kthejë përgjigje me shkrim atyre personave që kanë parashtruar ankesë. Vendimet e Komisionit të ankesave i përcjellen Kryesuesit të Komisionit për zgjedhjen e Këshillave lokale menjëherë pas marrjes së tyre.

6. Vendimet e Komisionit të ankesave janë obligative.

7. Komisioni i ankesave i raportyon Kuvendit të Komunës.

Neni 5

Formimi i këshillave lokale dhe kriteret e përzgjedhjes

1. Këshilli lokal mund të ketë nga pesë (5) deri në nëntë (9) anëtarë. Numri i saktë i anëtarëve për secilin këshill lokal përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.

2. Çdo fshat, vendbanim apo lagje urbane duhet të jetë i përfaqësuar në këshillin lokal. Në rast kur këshilli lokal ka numër çift të fshatrave, vendbanimeve apo lagjeve urbane, atëherë fshati, vendbanimi ose lagja urbane me numër më të madh të banorëve përfaqësohet me dy anëtar në këshillin lokal.

3. Përbërja e këshillave lokale të fshatit duhet të reflektojë përbërjen etnike dhe gjinore. Përfaqësimi gjinor duhet të përfshijë minimum 30%. Në rast se në fshat, vendbanim apo lagje urbane, jetojnë pjesëtarë të komuniteteve jo shumicë, duhet të jenë të përfaqësuar në këshillin lokal.

4. Zgjedhja bëhet përmes votimit të fshehtë në tubimin e qytetarëve.

5. Kandidatët për anëtarë të këshillave lokale duhet të jenë qytetarë të përhershëm në atë lokalitet.

6. Kandidatët për anëtarë apo kryetarëve të këshillit lokal, nuk mund të kandidohen nëse janë të zgjedhur apo emëruar në poste udhëheqëse në strukturat e subjekteve politike.

7. Anëtar të këshillave lokale të fshatrave, vendbanimeve dhe lagjeve urbane, zgjidhen kandidatët të cilët fitojnë numrin më të madh të votave nga numri i përgjithshëm i banorëve të fshatit, vendbanimit apo lagjes urbane që janë të pranishëm në tubimin zgjedhor.

8. Kryetari i këshillit lokal zgjidhet nga radhët e anëtarëve të këshillit lokal të fshatit, vendbanimit apo lagjes urbane, kandidati i cili fiton shumicën e votave të qytetarëve që marrin pjesë në atë tubim.

9. Nëse në rrethin e parë të votimit kemi dy apo më shumë kandidatë me numër të barabartë të votave, atëherë mbahet rrethi i dytë i votimit dhe kandidati që merr më shumë vota zgjedhet për anëtar dhe kryetar të këshillit lokal.

10. Të drejtë vote kanë të gjithë banorët me moshë mbi 18 vjeç të atij lokaliteti. Çdo fshat, vendbanim apo lagje duhet të propozojë së paku dy kandidatë për përfaqësim në këshillin lokal.

11. Takimet kanë legjitimitet juridik, nëse të pranishëm janë së paku 20 pjesëmarrës me të drejtë vote të atij lokaliteti, duke respektuar kuotën gjinore.

12. Mandati i këshillave lokale është katër (4) vite.

Neni 6

Ndërprerja dhe pushimi i mandatit të anëtarëve dhe kryetarëve të këshillave lokale

1. Në rastet kur qytetarët konsiderojnë që anëtarët ose kryetari i këshillit lokal nuk i kanë përmbushë obligimet që dalin nga kjo rregullore, anëtarët dhe kryetari i këshillit lokal mund të shkarkohen me shumicë të votave të banorëve të fshatit, vendbanimit apo lagjes urbane me rastin e tubimit publik me qytetarë.

2. Në mënyrë që të bëhet ky votim, kërkohet një peticion për ndërprerjen e mandatit që duhet të nënshkruhet nga banorët e fshatit, vendbanimit apo lagjes urbane. Ky peticion duhet të mbledh nënshkrimet e më shumë se gjysma e numrit të pjesëmarrësve nga takimi ku është zgjedhur këshilli lokal. Komuna duhet të lajmërohet paraprakisht për një mbledhje të tillë.

3. Në rastet kur këshilli lokal shkarkohet sipas procedurave në paragrafin 2, një votim i ri duhet menjëherë të bëhet në bazë të procedurave të nenit 5 të kësaj rregulloreje në mënyrë që të zgjedhet një këshill i ri lokal. Rezultatet e votimit duhet të raportohen në bazë të kërkesave të nenit 6 të kësaj rregulloreje.

4. Mandati i kryetarëve dhe anëtarëve të këshillave lokale përfundon:

- 4.1 me kryerje të mandatit,
- 4.2 nëse vdes,
- 4.3 nëse jep dorëheqje,
- 4.4 nëse ndërrohet vendbanim,
- 4.5 nëse shkarkohet,
- 4.6 nëse kryen veper penale.

Neni 7

Procesverbali nga tubimi zgjedhor

1. Procesverbali i hartuar nga tubimi i qytetarëve, duhet të përshkruajë; numrin e qytetarëve që kanë marrë pjesë në tubim, të dhënat për zgjedhjen e anëtarëve dhe kryetarëve të këshillave lokale, procedurat e votimit dhe çështje të tjera të adresuara në takim.

2. Procesverbalin e nënshkruan kryesuesi i tubimit, anëtarët e komisionit dhe procesmbajtësi, ndërsa komisioni i përcaktuar sipas nenit 3 të kësaj rregulloreje i raporton Kuvendit të Komunës për rrjedhën e tubimeve, për zgjedhjen e këshillave lokale të fshatit, vendbanimit apo lagjes urbane.

3. Rezultatet e zgjedhjeve, emrat e anëtarëve, kryetarit të këshillit lokal duhet të bëhen publike menjëherë pas tubimit zgjedhor.

Neni 8

Konsultimet ndërmjet komunës dhe këshillave lokal

1. Kuvendi i Komunës dhe Kryetari i Komunës ftojnë përfaqësuesit e fshatrave, vendbanimeve dhe lagjeve urbane, që të marrin pjesë në tubimet publike me qytetarë, në dëgjimet publike për buxhet, tubimet e rregullta publike, takimet për planifikim strategjik që organizohen nga komuna përkatësisht Kuvendi i Komunës ose Kryetari.

2. Së paku një anëtar i këshillit lokal të fshatit, vendbanimit apo lagjes urbane duhet të jetë i përfshirë në të gjitha grupet punuese komunale për planifikim të planeve urbane, zhvillimore dhe rurale që janë pjesë e lokalitetit ku ata jetojnë.

3. Kryetari i Komunës duhet që së paku të organizojë dy takime në vit me udhëheqësit e këshillave lokale. Takimet duhet të mbahen së paku një herë në gjashtë muaj. Për rendin e ditës duhet të konsultohen edhe udhëheqësit e këshillave lokale.

4. Kuvendi i Komunës mund të kërkojë një opinion nga këshilli lokal i fshatit, vendbanimit apo lagjes urbane, në çështje të caktuara me interes për komunitetin.

Neni 9

Bartja e aktiviteteve nga komuna te këshillat lokale

1. Me kërkesën e këshillit lokal dhe rekomandimin e Kryetarit të Komunës apo ndonjë komiteti të komunës, Kuvendi i Komunës me vendim mund të bartë disa përgjegjësi për t'i ushtruar këshillat lokale të fshatit, vendbanimit dhe lagjes urbane. Aktivitetet që mund të transferohen duhet të jenë në kompetencë ekskluzive vetanake të komunës.

2. Këshilli lokal i fshatit, vendbanimit dhe lagjes urbane duhet të konsultohet dhe pranojë bartjen e aktiviteteve nga komuna në këshillin lokal.

3. Në rast të bartjes së aktiviteteve nga komuna në këshillin lokal, komuna ofron mbështetje dhe burime të mjaftueshme për fshatrat, vendbanimet dhe lagjet urbane me qëllim të përmbushjes së përgjegjësisë së bartur.

Neni 10

Roli, detyrat dhe përgjegjësitë e këshillave lokale

1. Këshilli lokal i fshatit, vendbanimit apo lagjes urbane mund të takohet në çdo kohë për të shqyrtuar çështjet në interes të lokalitetit si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal i fshatit, vendbanimit apo lagjes urbane, organizon, përcjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, Kryetarin e Komunës, komitetet dhe drejtoritë komunale.
3. Këshilli lokal i fshatit, vendbanimit apo lagjes urbane duhet të informojë komunën për kohën dhe agjendën e takimeve. Zyrtarët komunal mund të marrin pjesë në takimet e organizuara nga këshillat lokale.
4. Takimet e qytetarëve mund të organizohen me iniciativën e këshillit lokal të fshatit, vendbanimit apo lagjes urbane.
5. Këshilli lokal mund të ndërmarë aktivitetet të cilat në veçanti ndikojnë në:
 - 5.1. zhvillimin lokal ekonomik të qëndrueshëm të lokalitetit;
 - 5.2. planifikimin urban dhe rural të lokalitetit;
 - 5.3. mbrojtjen e mjedisit lokal të lokalitetit;
 - 5.4. ndihmon në rritjen e efikasitetit në ofrimin e shërbimeve publike komunale brenda lokalitetit;
 - 5.5. siguron te dhënat elementare për çdo familje të lokalitetit përkatës, përcjell gjendjen e tyre ekonomike, sociale dhe jep rekomandime, propozime për mbështetje të këtyre rasteve;
 - 5.6. mirëmbajtjen e varrezave dhe hapësirave publike të gjelbëruara;
 - 5.7. zhvillimin e turizmit;
 - 5.8. organizimin e aktiviteteve kulturore dhe sportive;
 - 5.9. bashkëpunimin me organet e komunës dhe organizata të tjera të shoqërisë civile për çështjet me interes për lokalitetin;
 - 5.10. organizimin e aksioneve vullnetare në interes për lokalitetin;
 - 5.11. zbaton aktivitetet që janë të bartura, sipas procedurave në nenin 8 të kësaj rregulloreje.
6. Këshillat lokale të fshatrave, vendbanimeve dhe lagjeve urbane kanë të drejtë të bashkëpunojnë në mes veti në territorin e komunës përkatëse.
7. Këshillat lokale mund t'i parashtrojnë organeve të kuvendit, pyetje me shkrim për çështje të ndryshme në interes të lokalitetit, kurse organet e komunës brenda afatit 30 ditësh i përgjigjen këshillit lokal.

Neni 11

Roli i kryetarëve të këshillave lokale

1. Kryetari i këshillit lokal përfaqëson fshatin, vendbanimin apo lagjen urbane në konsultimet dhe diskutimet me organet e komunës.

2. Kryetari i këshillit lokal thërret dhe udhëheq me mbledhjet e këshillit lokal dhe kujdeset për organizimin dhe punën e këshillit lokal. Poashtu, ai i nënshkruan konkluzionet dhe propozimet e miratuara nga ana e këshillit lokal dhe është i obliguar që në afat prej 15 ditëve, nga dita e miratimit të tyre, t'i dorëzojë te Kryetari i Komunës.

Neni 12 Financimi i aktiviteteve

Aktivitetet e këshillave lokale dhe projektet nga marrëveshjet e bashkëpunimit në mes komunës dhe këshillave lokale mund të financohen si vijon:
Nga vetë banorët e fshatit, vendbanimit apo lagjes urbane;
Nga komuna;
Nga donatorët; dhe
Me financim të përbashkët.

Neni 13 Kompensimi i këshillave lokale

Për punën e tyre kryetarët e këshillave lokale kompenzohen nga buxheti i Komunës së Junikut.
Kompensimi për kryetarët e këshillave lokale bëhet në vlerën financiare ekuivalente me anëtarët e komiteteve obligative.
Kompensimi për pjesëmarrjen në takime bëhet vetëm për gjashtë (6) takime të këshillit lokal të mbajtura brenda vitit kalendarik.

Neni 14 Mospërbushja e përgjegjësi

Për të gjitha aktivitetet e bartura në këshillin lokal nga Kuvendi i Komunës, këshilli lokal i fshatit, vendbanimit dhe lagjes urbane përkatëse mban obligime dhe përgjegjësi ligjore.

Neni 15 Dispozitat kalimtare, shfuqizuese dhe përfundimtare

Në rast të konfliktit të dispozitave të kësaj rregullore me Ligjin për Vetëqeverisjen Lokale, Udhëzimin Administrativ (MAPL) 02/2019 për Organizimin, Funksionimin dhe Bashkëpunimin e Komunave me Fshatrat, Vendbanimet dhe Lagjet Urbane apo me Statutin e Komunës, mbizotërojnë dispozitat e Ligjit, Udhëzimit Administrativ dhe Statutit.

Me hyrjen në fuqi të kësaj rregullore shfuqizohet Rregullorja për organizimin dhe funksionimin e këshillave lokale të Komunës së Junikut, të datës 05.11.2015.

Neni 16

1. Përgjegjës për zbatimin e kësaj rregulloreje janë Kuvendi i Komunës, Kryetari i Komunës dhe Drejtoria për Administratë.
2. Ndryshimet dhe plotësimet eventuale në këtë rregullore do të bëhen sipas procedurës së njejtë të aprovimit të kësaj rregulloreje.

Neni 17

Kjo rregullore hyn në fuqi 15 ditë pas regjistrimit në Zyrën e Protokollit të Ministrisë përgjegjëse për qeverisje lokale dhe 7 ditë pas publikimit në gjuhët zyrtare në Gazetën Zyrtare të Republikës së Kosovës dhe ueb-faqen e Komunës.

Datë: 27.01.2023


Junik

KRYESUESI I KUVENDIT



Shpejtim Gacaferi

Shtojcë 2: Vendimi për themelimin e Komisionit



REPUBLIKA E KOSOVËS – REPUBLIKA KOSOVO – REPUBLIC OF KOSOVA
KOMUNA E JUNIKUT – OPŠTINA JUNIK – MUNICIPALITY OF JUNIK

Republika e Kosovës;
Kuvendi i Komunës së Junikut;
Numër: 02/04/23;
Datë: 27.01.2023

Në bazë të nenit 12 paragrafi 12.1 të Ligjit për vetëqeverisjen lokale (Ligji Nr. 03/L-040, GZRK numër 28/2008), nenit 22 paragrafi 4 të statutit të komunës së Junikut (vendimi i Kuvendit të Komunës së Junikut numër 001/26), **Kuvendi i Komunës së Junikut** në mbledhjen e tij të rregullt të mbajtur më 27.01.2023 nxjerrë:

V E N D I M

për formimin e Komisionit për zgjedhjen e këshillave lokale në Komunën e Junikut

I. Me këtë vendim formohet Komisioni për zgjedhjen e këshillave lokale në Komunën e Junikut.

II. Komisionin e perbejne 7 anetarë . Kater nga radhet e kuvendit një nga radhet e ekzekutivit dhe një nga shoqërija civile (OJQ-të).

1. Nga radhet e kuvendit: Sadri Krasniqi,
Zenel Maloku,
Xhemë Tofaj,
Shpejtëm Gacaferi,
2. Nga ana e ekzekutivit: Leonora Shehu - Drejtoreshë e Administrates,
3. Nga shoqërija civile: Safete Shehu – OJQ- Qershiza,
4. Një nga ana e seciles bashkese lokale, apo fshat.

III. Ky vendim hyn në fuqi 15 ditë pas regjistrimit në zyrën e protokollit të ministrisë përgjegjëse për vetëqeverisje lokale, si dhe publikimit në gjuhën zyrtare në ueb faqen zyrtare të Komunës së Junikut.


Me këtë vendim njoftohen:

1. MAPL;
2. Kryetari i Komunës së Junikut;
3. Të apostrofuarit në pikën II;
4. Shërbimi i Kuvendit të Komunës së Junikut, dhe
5. Arkivi i Komunës së Junikut

Kuvendi i Komunës së Junikut

z. Shpejtëm GACAFERI


Kryesues



REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK – MUNICIPALITY JUNIK

NJOFTIM

Të nderuar qytetarë,

Komuna e Junikut, respektivisht Komisioni për zgjedhjen e Këshillave Lokale do të filloj me procesin e zgjedhjes së Këshillave Lokale të fshatrave, vendbanimeve dhe lagjeve urbane.

Ju ftojme që të merrni pjesë në këto takime të cilat do të organizohen në datat e mëposhtme:

Orari i takimeve


Nr. rendor	Emri i Këshillit Lokal	Data e mbajtjes	Ora	Vendi i mbajtjes së takimit
1	Këshilli Lokal i fshatrave: Gjocaj dhe Jasiq	22 Maj 2022	19:00	Salla e Kuvendit Komunal
2	Këshilli Lokal i lagjeve urbane: Gacafer, Qendër, Pepsh dhe Bajraktar	23 Maj 2023	19:00	Salla e Kuvendit Komunal
3	Këshilli Lokal i lagjeve urbane: Krasniq, Miroc, Gaxherr dhe Shala	24 Maj 2023	19:00	Salla e Kuvendit Komunal
4	Këshilli Lokal i lagjeve urbane: Berishë, Goqaj dhe Qestaj	25 Maj 2023	19:00	Salla e Kuvendit Komunal

Rendi i ditës:

- 1) Zgjedhja e Këshillit Lokal,
- 2) Zgjedhja e Kryetarit/es të Këshillit Lokal,
- 3) Të ndryshme.

Kryesuese e Komisionit

Shehu
Leonora Shehu





REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK – MUNICIPALITY JUNIK



ZGJEDHJET PËR KËSHILLA LOKALE NË KOMUNËN E JUNIKUT

Fletëvotim për anëtarë të Këshillit

Nr. rendor	Emri dhe mbiemri i kandidatit/es	Vota me \surd ose \times
1		<input type="checkbox"/>
2		<input type="checkbox"/>
3		<input type="checkbox"/>
4		<input type="checkbox"/>
5		<input type="checkbox"/>
6		<input type="checkbox"/>
7		<input type="checkbox"/>
8		<input type="checkbox"/>
9		<input type="checkbox"/>
10		<input type="checkbox"/>
11		<input type="checkbox"/>
12		<input type="checkbox"/>



REPUBLIKA E KOSOVËS – REPUBLIKA KOSOVA – REPUBLIC OF KOSOVA
KOMUNA JUNIK – OPŠTINA JUNIK – MUNICIPALITY JUNIK



Lista e pjesëmarrësve në zgjedhjet e Këshillave Lokale, 2023

KESHILLI LOKAL I LAGJEVE GACAGER, QENDËR, PEP SH DHE BAJRAKTAR

Nr. rendor	Emri dhe mbiemri	Vendbanimi/fshati/lagjja urbane	Mosha	Numri personal	Nënskrimi
1					
2					
3					
4					
5					
6					
7					
8					
9					
10					
11					
12					
13					
14					
15					
16					
17					
18					
19					
20					